

2024-2025 оқу жылындағы әлеуметтік педагогтың І- тоқсан қорытындысы бойынша талдау

«Еркіншілік ауылының жалпы орта білім беретін мектебі»КММ әлеуметтік педагогы төмендегідей мазмұнмен міндеттерді, заңдылықтарды негізге ала отырып 2024-2025 оқу жылына жылдық жоспар жасады.

Әлеуметтік педагогтың жұмысының мақсаты: оқушыларға әлеуметтік көмек ұйымдастыру, тек көмек күтуші ғана емес проблеманы шешу үшін өздігінен жол табуына көмектесу, рухани жан дүниесін танып білу, қатарға қосу жұмыстарын ұйымдастыру, отбасы мен мектеп арасындағы ынтымақтастықты нығайту.

Әлеуметтік педагогтың міндеттері:

- балалардың құқықтарын қорғау үшін әртүрлі әлеуметтік қызмет өкілдерімен жұмыс жүргізу;
- оқу барысында қиындыққа ұшыраған оқушыларға әлеуметтік- педагогикалық көмек беруді қамтамасыз ету;
- тәрбиеленушілердің өмір сүру жағдайын, отбасының, микроортасының психологиялық, медициналық, педагогикалық ерекшеліктерін зерделеу;
- оқушы мен мекеменің, отбасының, әлеуметтік ортаның, мектептің арасындағы келістіруші міндетін атқару;
- аз қамтылған отбасынан алынған балалардың үйірмелермен қамтамасыз ету, олардың бос уақытын тиімді пайдалануын қадағалау;
- ерекше білімді қажет ететін оқушылармен және үйде оқытылатын оқушылардың құқықтарын қорғайды және олардың қоғамдық ортаға бейімделуіне жағдай жасау ;
- тұл жетім, қамқорлықтағы және қорғаншылықтағы балалармен жұмыс жүргізеді
- мемлекеттік атаулы әлеуметтік көмек алушы отбасылардың есебін үнемі жүргізіп отыру;
- мемлекеттік атаулы әлеуметтік көмек алушы, мемлекеттік атаулы әлеуметтік көмек алмайтын, күн көріс деңгейі төмен отбасыдан шыққан балалармен, жетім және ата-анасының қамқорлығынсыз қалған балалармен, тұрмыс деңгейі төмен, аз қамтылған отбасы балаларының уақытылы әлеуметтік көмек алуын, ыстық тамақпен қамтамасыз етілуін және жазғы лагерьлермен қамтамасыз ету жұмыстарын жүргізеді.

Жылдық жоспар Білім туралы ҚР 2007 жылғы 27 шілдедегі № 319 Заңы, Неке (ерлі-зайыптылық) және отбасы туралы ҚР 2011 жылғы 26 желтоқсандағы № 518-IV Кодексі, ҚР баланың құқықтары туралы ҚР 2002 жылғы 8 тамыздағы N 345 Заңы, Орта білім беру ұйымдарындағы психологиялық қызметтің жұмыс істеу қағидаларын бекіту туралы ҚР Оқу-ағарту министрінің м.а. 2022 жылғы 25 тамыздағы № 377 бұйрығы, Баланы жәбірлеудің (буллингтің) профилактикасы қағидаларын бекіту туралы ҚР Оқу-ағарту министрінің 2022 жылғы 21 желтоқсандағы № 506 бұйрығы, Мектепке дейінгі тәрбие және оқыту, орта, арнаулы, қосымша, техникалық және кәсіптік, орта білімнен кейінгі білім беру ұйымдарының педагогтері жүргізу үшін міндетті құжаттардың тізбесін және олардың нысандарын бекіту туралы ҚР Білім және ғылым министрінің 2020 жылғы 6 сәуірдегі № 130 бұйрығы (ҚР Оқу-ағарту министрінің 17.03.2023 № 68 бұйрығымен өзгерістер енгізілген) және т.б. нормативтік-құқықтық құжаттарға негізделген.

Тамыз айында өтілген «Мектепке жол» республикалық акциясы мектеп оқушыларының мектепке дайындығын қамтамасыз ету мақсатында өткізілді. Акция 2024 жылдың 1 тамызынан басталып, 2024 жылдың 30 қыркүйегінде аяқталды. Акцияның ұраны: «ЖАҚСЫЛЫҚ ЖАСА!»

Қазақстан Республикасының әрбір азаматы халықтың әлеуметтік осал топтарынан шыққан балаларды мектепке дайындауда атаулы көмек көрсетуде азаматтық белсенділік таныта алады, оның мектепке жолы қуанышты болуы үшін әрбір балаға шынайы қамқорлықпен назар аудара алады.

Акцияның мақсаты - аз қамтылған және көп балалы отбасылардан шыққан оқушыларға, жетім балаларға, сондай-ақ ата-анасының қамқорлығынсыз қалған балаларға оқу жылының басталуына дайындық кезінде материалдық қолдау көрсету және әлеуметтік себептер бойынша балалардың мектепке келмеуінің алдын алу. Акция аясында демеушілер мектебіміздің 6 оқушысына мектеп формасын, оқу құралдарымен көмектесті.

«Еркіншілік ауылының жалпы орта білім беретін мектебі» КММ – де 2024-2025 оқу жылында Міндетті білім қорынан мектепке оқушыларды дайындауға қолдау көрсету мақсатында «Мектепке жол» акциясы аясында 109 оқушыға 42.000 теңге көлемінде қаржы аударылды.

Аталған көмек, Қазақстан Республикасы Үкіметінің 2008 жылғы 25 қаңтардағы №64 қаулысына сәйкес, Мемлекеттік білім беру ұйымдарының мемлекеттік атаулы әлеуметтік көмек алуға құқығы бар отбасылардан, сондай-ақ мемлекеттік аталуы әлеуметтік көмек алмайтын, жан басына шаққандағы табысы ең төменгі күнкөріс деңгейінен шыққан білім алушылар мен тәрбиеленушілеріне және жетім балаларға, ата-анасының қамқорлығынсыз қалған балаларға, төтенше жағдайлардың салдарынан шұғыл жәрдемді талап ететін отбасылардан шыққан балаларға және өзге де санаттағы білім алушылар мен тәрбиеленушілерге берілді. Осы заңнамаларға сүйене отырып, мектебіміздің 109 оқушысының ата-аналарының есеп шоттарына қаржылай көмек аударылды. Оның ішінде 3 оқушы атаулы әлеуметтік көмек алушы отбасынан шыққан, 106 оқушы күн көріс деңгейі төмен аз қамтылған, көп балалы, жартылай жетім отбасынан шыққан оқушылар.

2024-2025 оқу жылының 1-ші жартысында Қ.Р Үкіметінің №64 қаулысы бойынша 1-11 сынып арасында аз қамтылған күн көрісі төмен отбасынан шыққан 109 оқушы бір реттік ыстық тамақпен, 1-4 сынып аралығында барлық оқушы ыстық тамақпен қамтылды.

2024-2025 оқу жылында асханадағы ас сапасының берілуін қадағалаушы бракераждық комиссия аптасына бір рет, мектеп медбикесі мен әлеуметтік педагог күнделікті қадағалап отырды. Мектеп асханасында берілетін күнделікті ас мәзір әлеуметтік желіде жарияланып отырылады.

Жоспар бойынша түрлі іс шаралар мен жиналыстар, кездесулер өткізіліп отырды.

2024-2025 оқу жылында мектептің әлеуметтік паспортын жасау және әлеуметтік ортаның қоғамға әлеуметтік-педагогикалық әсерін зерттеу жұмыстары жүргізілуде.